

王慎軒著

女科醫問學實驗錄

唐慎坊題



集三第



南京中医药大学图书馆版权所有

全國新中醫之巨大結晶——中醫科學化之急進先鋒

中醫新論彙編

……現已出版了

主編者……王慎軒

助編者

（張又良 沈濟德）

談元生 王德箴

朱溪裔 王道濟

龔敏仁 郁佩英

唐景昭 管愈之

本書五大之特色

- 1 內容豐富——凡中日漢醫之一切醫書醫報雜誌之精華無不采入
- 2 秘訣公開——凡中日漢醫之一切經驗奇效之秘方無不明白宣佈
- 3 選輯精嚴——凡學說陳腐方法偏僻不切實用不合科學者均不取
- 4 材料新穎——凡所選各篇均係中西合參確是中醫科學化之名著
- 5 評按明確——凡每篇之後多有名醫王慎軒先生之按語尤為名貴

本書之十二總目

（生理學 治療學）

（病理學 傷寒學）

（內科學 診斷學）

（外科學 藥學）

（方劑學 兒科學）

讀此一書勝讀各種醫書醫報雜誌數百種

（定價）每部四厚冊實價洋五圓外埠寄費加一外國寄費加三

總發行所……蘇州吳趨坊一百三十七號……蘇州國醫書社

女科醫學實驗錄第二集目錄

淋帶重症治驗	帶下奇瘡治驗	子宮痛腫治驗	室女倒經治驗
室女痛經治驗	室女經閉治驗	婦人經閉治驗	倒經錯經治驗
血崩多病治驗	血崩重症治驗	經期痧子治驗	暗經不孕治驗
孕婦吐衄治驗	妊娠喘腫治驗	孕婦腸鳴治驗	妊娠赤痢治驗
妊娠白崩治驗	小產血暈治驗	產後虛脫治驗	產後支飲治驗
產後喘腫治驗	產後危症治驗	產後乳癰治驗	產後血崩治驗
產後吐瀉治驗	產後泄瀉治驗	產後下痢治驗	婦人暑咳治驗
婦人中暑治驗	老婦煤毒治驗	老婦黃瘡治驗	婦人痺痛治驗
婦人不寐治驗	室女肺癰治驗	婦人腸癰治驗	婦人肝厥治驗
室女胃炎治驗	室女痛厥治驗	婦人霍亂治驗	婦人癰祕治驗

女科醫學實驗錄 第三集

王愼軒著

門人

沈潛德 王道濟 管愈之
張又良 王德箴 郁佩英
何嘉濟 朱企懿 唐景昭
談元生 龔敏仁 顧志道

全輯

淋帶重症治驗

常熟翁建侯夫人。年逾不惑。病延二載。疊經各地名醫診治。已經服藥三百餘劑。而病勢日見沉重。擬勿藥以待斃矣。嗣得濟公活佛乩訓指示。謂求蘇州王愼軒醫治。必可痊愈。乃自租汽船。來蘇就診。曰。病之初起。本甚輕淺。僅覺腹脹食少。洩瀉帶下。繼則白帶漸多。小溲淋痛。近則白帶如注。小便極難。努責許久。僅下點滴。或如膏油。或帶血水。小腹墜痛。痛勢甚劇。腹不知飢。口不能食。每日早晨。神氣稍清。一交午後。疲倦非常。百藥備嘗。一無應效。痛苦已極。求死不得。真如活受地獄之罪矣。言時淚涔涔下。余亦爲酸心焉。望其形體瘦弱。惟兩目尙覺有神。診其脈象虛細。惟兩尺略覺滑利。余曰。此乃誤治之壞病也。差幸脈症相符。神氣未脫。尙有治愈之望也。病人喜曰。先生若能愈我之疾。真神醫矣。余曰。貴恙本係濕熱阻

于中下二焦。膀胱內膜炎及子宮內膜炎併發之症。前醫早用補濇之藥。以致由輕而重。由重而危。故變帶下如注。小洩淋濁。小腹墜痛等症也。至於不飢不食精神疲倦等症。乃由局部病而誘起全身病也。祇須先退其子宮及膀胱之炎腫。則全身之病。亦可漸愈也。乃與防風、白芷、升麻、柴胡、赤芍、丹皮等。消散其炎腫。佐以半夏、川貝、陳皮、化其帶濁。苦參、山梔、連翹。清其濕熱。連服五劑。墜痛大減。小洩已爽。再以前方加減進治。二載痼疾。半月全愈。翁君伉儷。感激異常。每遇親友婦女患病。必竭力勸其來診。且常相往來。竟成莫逆之交矣。

帶下奇瘡治驗

瘡疾。常恙也。人所易患。治所易愈者也。外瘡不記。此何以記。記其症狀奇特。收效迅速。足啓後人治病靈活之道。而除用藥固執之弊耳。胥門馬生泰磚瓦行。主人馬錦甫之妻。患瘡已延半年有餘。間日一作。作則甚劇。歷經蘇滬常州無錫諸醫診治。或執少陽爲病。而投小柴胡等和解之劑。或謂久瘡傷津。而投何人飲等膩補之藥。或與青蒿鱉甲湯。或投常山截瘡飲。諸藥遍嘗。竟無一效。自念疾必不起。惟有終日憂思悲哭而已。幸得伊友往告曰。余聞婦人之患病難愈者。若求王愼軒先生診治。必有奇效。盍不往試之乎。乃偕來就診。余診得脈

象沉遲乏力。望得面色淡白無華。聞其語聲輕微低軟。問其病狀奇特異常。每隔間日。一交寅時。必覺腰痛如折。骨楚如杖。始則形寒。繼則形凜。直至薄暮。又作寒戰。寒戰頗甚。甚致四肢麻木。不知痛痒。迨至黃昏。始覺發熱。發熱亦甚。甚致神識昏瞶。不省人事。逾時汗出。始得漸退。余細審其病。與常瘧不同。因再問帶下甚多否。曰。帶多似崩。又問少腹痠痛否。曰。痠痛頗甚。余乃恍然悟曰。此是奇經八脈之病也。難經曰。陽維爲病。苦寒熱。內經曰。陽維之脈。令人腰痛。又曰。任脈爲病。女子帶下瘕聚。此病腰痛甚劇。寒熱甚盛。帶下亦多。瘕痛亦甚。確係奇經八脈中之陽維任脈爲病也。陽維爲動物性神經之分枝。任脈爲植物性神經之總幹。此二種神經之所以受病者。必因憂鬱過甚。寒濕乘襲。以致神經受極大之刺激。而使淋巴血管。不能流通如常。津液停留而爲頑痰。血液凝阻而爲鬱血。頑痰鬱血。皆與神經作梗。是以腰痛骨楚。腹痛帶多也。神經之造溫與放溫之機能。俱乖常度。是以凜寒戰慄。發熱異常也。欲治此病。必明此理。庶可對症用藥。而奏奇功。遂用參鬚、附片、乾薑等藥。興奮其神經之作用。桂枝、紫蘇、蟬衣等藥。宣泄其放溫之機能。以柴胡、半夏等藥。疏通淋巴管而化頑痰。赤芍、枳實等藥。行通血脈管而逐鬱血。又佐蒼朮、草果。以助其吸收管之化濕能力。杜仲、車前。

以助其泌尿器之利濕作用。使其寒濕痰瘀。不得停留。而神經機能。得以恢復。則病有可愈之望矣。一劑之後。果覺腰痠大減。寒熱亦輕。兩劑之後。又覺寒熱已退。腰痠亦瘳。惟督脈之神經總幹。一時難復。脊間之骨節痠疼。時覺甚劇。遂于原方加鹿角霜。以補督脈之神經。加西秦朮。以止神經之痠痛。二劑後。諸恙均瘳。由此觀之。治病貴乎明理。用藥貴乎靈變。若遇此等病症。不究其原。不明其理。妄執普通治瘳之法以治之。焉能有效哉。

子宮癌腫治驗

近世婦人科學曰。女子罹癌腫者。二倍于男子。蓋以女子多子宮癌及乳癌之故。而子宮癌尤爲主要。占女子癌腫三分之二。然則吾輩爲女科醫者。對於子宮癌之治法。安可不加深究哉。惟中醫素乏解剖知識。既無子宮癌之病名。自不有確切之治法。而西醫專重切除之手術。亦無內服之方藥。然解剖切除。人所畏懼。苟無內治之良法。將何以拯其疾苦乎。竊思女子之多罹癌腫者。必因于氣鬱之所致也。余治乳癌。常以解鬱化痰爲主。恆有特效。若以此法治子宮癌。亦必有效。此余理想上所發明者也。會有閩門外榮樂坊張姓婦人。患崩漏帶下。少腹硬痛。先請西醫診斷。謂係子宮癌。須用手術割除法。病人懼割。求治於余。用神效

括蕞散減去甘草。重加川貝。並加銀柴胡、蒲公英、香附、鬱金、橘皮、橘葉、旋覆、半夏、昆布、海藻、牡蠣、瓦楞等藥。加減進治。果得日向痊愈。後以此法治愈此症者。已有數人。特誌之。以供醫界之採用。而減婦人之疾苦焉。

室女倒經治驗

左鄰李姓女。年十六歲。自去年春間起。每月必出鼻衄一次。頭痛眩暈。面紅煩熱。腑行燥結。月經不通。自服益母草湯。及烏雞白鳳丸。無效。因其飲食如常。起居尚安。初不介意。故已延至一載有餘矣。不料今夏四月。鼻衄大出。頭痛益甚。甚至驟然昏厥。不省人事。急請王師往診。師令先用冷水噴其面。醋炭薰其鼻。並用附子葱鹽全打敷足心。逾時始得漸甦。再用醋炒川軍、川牛膝、鮮生地、側柏葉、鮮竹茹、絲瓜絡、焦山梔、茜草根、白茅花、炒藕節等。煎湯服之。一劑而大便通暢。頭痛輕減。再劑而煩熱漸退。鼻衄已止。後再與通經之藥。經通而病遂痊愈矣。

室女痛經治驗

婁門外大街如茂竹行。徐姓之女。每屆經期。腹痛頗甚。經行淋漓。帶下連綿。頭眩泛嘔。胸悶

脘痛。腹脹腰痠。來寓診治。脈象沉遲。沉爲氣鬱。遲屬寒凝。舌苔白膩。白爲胃寒。膩屬脾濕。知係肝氣內鬱。寒濕留患。血不能隨氣以流通。氣不能輸血以暢行。是以經期腹痛。淋漓不爽也。氣鬱傷肝。肝用亢逆。肝陽挾痰濁上逆。則爲頭眩泛噁。肝氣與寒濕中阻。則爲脘痛腹脹。寒侵腎藏。則爲腰痠。濕注任脈。則爲帶下。欲調其經。當以理氣解鬱爲主。欲理其氣。則宜溫中化濕爲佐。遂用淡吳萸。上官桂。全當歸。京赤芍。元胡索。製香附。春砂仁。旋覆花。沉香。陳廣皮。製半夏。紫石英等藥。次日覆診。脘腹之脹悶已鬆。疼痛未止。知其氣分之鬱結漸解。血分之瘀阻未通。再以前方去砂仁。沉香。陳皮。加菟蔚子。紫丹參。高良薑。畢澄茄。令服三劑。逾兩月後。再來就診。據云前次服藥。腹痛已差。經期亦準。病已愈矣。不意今次經來。又覺形寒發熱。胸悶腹痛。是何故耶。診其脈象浮弦而緩。知係外感風邪。引動寒濕。與前症不同矣。乃與桂枝湯合正氣散加減。亦得漸愈。夫前後二方。同治經期之腹痛。用藥不同。取效俱速。是在辨症清晰。識理明白。庶幾藥能對病。而病無不愈也。

室女經閉治驗

接駕橋同壽堂國藥號。經理邱儒卿先生之令媛。經閉三月。痰多納少。腹脹便溏。迭經數醫

診治。皆用桃仁、紅花、三稜、莪朮、山甲、艾絨、歸尾、赤芍等通經之藥。而經終未通。乃求王師診治。斷爲痰濕內阻。用厚朴、半夏、橘紅、赤苓、車前、菟蔚、牛膝、香附、砂仁、旋覆、降香、沉香、麩、紫石英等藥。連服兩劑。而月經通行如常矣。

受業德箴按。蒙見王師治愈此病。不禁有所感焉。蓋緣昔有戚友婦女數人。俱患經閉。就診于庸醫。均不求其原因。妄投通經之藥。卒至命隨藥亡。可不哀哉。

婦人經閉治驗

崑山南門顧姓婦人。經閉半載。脘腹痠痛。煩熱咳嗽。嘈雜健忘。面色黯黃。肌膚甲錯。形肉羸瘦。飲食衰微。服藥已近百劑。病勢日見加重。聞王師名。來蘇求治。觀前醫諸方。俱係補肺養陰。順氣化痰之藥。師曰。此病之病竈。不在肺而在子宮。補肺何益。不在氣而在血分。順氣奚爲。乃與大黃蠱蟲丸三兩。每日服三錢。分三次。陳酒下。服竟。諸恙已減。月事未行。再診用紅花散加香附、丹參、桃仁、澤蘭、菟蔚、車前。三劑經通。諸恙霍然。

倒經錯經治驗

吳江平望英美香煙分公司蔣梅石之夫人。患吐血便血。嘔噦噫氣。月經不來。已逾兩月。求

治於慎師。脈象弦細而數。用旋覆、代赭、瓦楞、枳殼、牛膝、茜草、鶴草、茺蔚、車前、藕節、竹茹、川貝、合歡皮、紫石英、左金丸等藥。兩服而月經已通。諸恙均愈。佩英問于師曰。此何故耶。曰。人身之血液。流行于全身。一則賴乎心臟搏動力之輸送。由左心室而送出。由右心耳而收回。故以心爲血之主也。一則賴乎肝藏門靜脈之蓄藏。有餘則藏之于肝。不足則取之於肝。故以肝爲血之海也。然心之搏動。肝之蓄藏。猶賴乎植物性神經之作用。若夫情志之鬱怒太過。神經之刺激太深。則其心之搏動失常。肝之蓄藏無權。未有不釀成血症者也。此病初因抑鬱太過。神經鬱結特甚。以致心不能輸送血液。下注衝任。而爲經停兩月。繼則暴怒過甚。神經興奮異常。以致肝不能蓄藏血液。上逆妄行。而爲吐血便血。且其症兼嘔噦噫氣。卽是肝胃不和。胃氣上逆之明徵。脈見弦細而數。乃是血虛肝旺。血液妄行之確據。故藥用旋覆、代赭、瓦楞、石英、左金丸等。降其氣之上逆。卽所以鎮靜其神經之過于興奮者也。又用茜草、鶴草、側柏、竹茹等藥。制其血之妄行。卽所以導引其血液歸于正路者也。又以合歡、川貝。解其鬱。茺蔚、車前。通其經。藥病相合。故能兩服而愈也。

血崩多病治驗

宋仙洲巷。販賣古董舊貨之馮阿三。其妻患血崩。已延半載有餘。初由門人王德箴女士診治。崩已漸減矣。繼因煩勞不節。風寒不慎。致增形寒發熱。頭眩耳鳴。鼻塞咳嗽。心悸。腰痠。力乏等症。自知病重。乃求余診。初用炒黑荊芥。炒白薇。炒歸身。黑稽豆。香蘇。橘半。鬱金。砂仁。藕節。震靈丹。寒熱漸退。諸恙均輕。惟胸悶尙甚。甚則嘔吐。再診以前方去荊芥。紫蘇。白薇。稽豆。加旋覆。代赭。杏仁。川貝。沉香麴。胸悶已鬆。嘔吐亦止。惟因多言勞神。煩心動陽。又增頭暈。目眩。耳鳴。心悸等症。三診用龍骨。牡蠣。龜版炭。潼蒺藜。製香附。炒白芍。旋覆。半夏。砂仁。震靈丹等。諸恙遂得漸愈矣。越半月。復因阿三病重。煩勞憂急。以致血崩又發。崩下甚多。色紫成塊。少腹硬痛。胸悶納少。頭眩。腰痠。乃與香附。鬱金。丹參。山棗。旋覆。新絳。半夏。陳皮。砂仁。沉香麴。炒藕節等藥。胸悶腹痛已輕。瘀下紫塊亦減。再以前方去丹參。新絳。加震靈丹。炒歸身。荊芥炭。血崩已減。諸恙均輕。惟頭暈腰痠。心悸力乏。再以前方去山棗。荊芥炭。加龍牡。白芍。龜版炭。血崩止。頭眩輕。惟帶下連綿。肢體乏力。乃以四君子湯。加黃芩。白芍。杜仲。香附。砂仁。陳皮。愈帶丸等。調理而愈。邇已强健如常矣。

血崩重症治驗

西醫唐仁縉先生之夫人。始則經停三月。繼則血崩甚劇。屢打止血針。服麥角精。而崩下依然不止。且頭目眩暈。胸脅窒塞。甚致昏厥幾次矣。余診其脈。弦大而濇。余問曰。此症起于鬱怒之後乎。曰然。余曰。人身之血。所以能循行脈中。而不妄行者。胥賴乎交感神經之統攝。及肝靜脈管之蓄藏。若夫鬱怒過甚。刺激太深。則神經肝藏。首當其衝。而其統攝蓄藏之職。安得不失常乎。始則經停三月。卽是神經鬱結。不能輸血下注之徵。繼則血崩甚劇。必係統藏無權。不能導血歸經之故。况頭腦爲神經之總樞。胸脅乃肝臟之分野。頭目眩暈。胸脅窒塞。其爲神經與肝臟之病。更可明矣。凡神經鬱結太過而起攣瘧者。脈必弦。肝氣抑鬱太過而礙血行者。脈必濇。今其脈象弦大而濇。其爲鬱怒所傷之病。更無疑矣。夫治病之道。貴求其本。本於鬱怒者。必須解鬱平肝爲主。固非見血止血所能見效者也。乃投以四製香附、醋炒鬱金、荊芥炭、白歸身、杭白芍、潼蒺藜、旋覆花、仙半夏、陳廣皮、川貝母、春砂仁、炒藕節等。解肝鬱舒神經。以此加減進治。果得崩下漸止。胸脅亦舒。惟因血去過多。恢復非易。肢體乏力。頭目易眩。腸鳴便溏。腰痠帶多。迭與杜仲、白朮、牡蠣、澤瀉、白芍、茯苓、陳皮、鬱金、砂仁、愈帶丸等藥。調理日久而癒。

經期痧子治驗

西北街石塘橋陳學道之令堂。年逾五秩。汎水猶潮。客臘咳嗽。延至今春。復感風寒。又增寒熱。頭眩脹痛。喉痒聲啞。胸悶泛噯。心悸不寐。適值經期。淋漓不止。大便不通。小洩亦少。始因新年家事紛紜。又因病人畏服湯藥。任其延誤。不求醫治。延至病勢已劇。始來邀余往診。診其脈象浮滑而數。望其舌苔白膩而厚。遍體痧子隱約。徹夜不得入寐。嘔噯頻起。粒米不進。余用荊芥、薄荷、蟬衣、前胡、杏仁、貝母、旋覆、半夏、枳殼、茯神、萆皮等藥。一劑之後。胸悶大減。痧子已透。次日去荊芥、薄荷、萆皮。加鷄蘇散、全瓜蒌。服此之後。大便已通。發熱亦減。頭脹咳嗽等症。均已漸瘳。惟夜不得寐。兼有自汗。經漏未止。小洩甚少。乃改用牡蠣、紫貝、竺黃、硃茯神、酸棗仁、枳實炭、仙半夏、北秫米、益元散、琥珀多寐丸等藥。服後夜寐稍安。自汗亦止。再于前方中去牡蠣、棗仁。加白芍、白薇、二至丸等。於是諸恙均愈矣。

門人元生謹按。此案用藥。看似平淡。實有奇妙。蓋其病表裏複雜。虛實混淆。表之實證。則有寒熱頭痛。裏之實證。則有便秘洩少。表虛則自汗。裏虛則經漏。若攻邪過甚。恐其轉虛。若補虛過早。尤虞戀邪。顧表失裏。顧裏失表。皆不可也。必當審其所急。察其所主。

先治其所急。先伏其所主。謹慎診察。從容進治。庶能獲效而無害也。試觀此案之辨症。用藥。先後有序。緩急有條。實足爲吾輩取法焉。不然。不辨緩急。不分先後。漫用大隊峻猛之藥。敗事有餘。成事不足。安足以語此哉。

暗經不孕治驗

近世離婚案件。與日俱增。其有因婦人不孕而離婚者。最足爲婦人悲也。如前年陳墓鎮史福生君。因其夫人結婚三年。不得孕育。遂向法院訴請離婚。謂其月經不行。生育無望。爲子嗣計。必須離婚。俾便另娶也。但其戚友聞訊。咸來勸解。謂月經不行。本係疾病。曷不請醫診治乎。乃求診于王師。問可治否。師曰。可治。此係暗經。尙可生育。但其脈象虛細。氣血不足。故一時難獲麟兒。請服鄙人所製之調經種子丹。保可受孕。服丸三月餘。果得受孕。明年產後。有小恙。曾來就診。故知之。

受業又良按。王師治愈不孕之症。奚啻千百。但皆有月經而不孕。尙不足奇。惟此無月經而不孕。亦得治愈。可云奇矣。故特濡筆誌之。

孕婦吐衄治驗

都亭橋李裁縫之妻。懷娠五月。忽患吐血。吐血甫止。旋即鼻衄。鼻衄方減。又病吐血。諸治不應。已延旬餘。曾有某名醫用犀角地黃湯。加羚羊角。石決明。生石膏。生知母等。大劑涼藥。可謂盡心竭力矣。然服藥之後。仍無寸效。醫家束手無策。病家惶恐已甚。夜間三更。請師往診。脈象弦數。面色嬌紅。目瞑音低。肢冷汗出。師曰。頭部充血頗甚。恐將昏厥矣。急令先用熱酒三斤。浸洗兩足。再用吳萸附子研末。米醋調敷足心。俾其頭部所充之血。得以導引向下也。處方用鮮生地。鮮竹茹。側柏炭。仙鶴草。龜版炭。阿膠珠。水煎。沖入藕汁。童便。各半杯。頓服之。血即止。後以元參。麥冬。沙參。石斛等。調理而愈。

妊娠喘腫治驗

謝衛前。孫芝生夫人。孕七月。患胎腫甚劇。氣喘不得臥。足大不能步。舉家惶恐。易醫甚多。後因一醫議用參朮補脾。一醫議用葶藶瀉肺。相去天淵。益增疑懼。乃請王師往診。診其脈象弦滑。望其舌苔白膩。聞得氣急痰多。問得形寒頭痕。知係風寒外束。痰濕內阻。肝氣上升太過。肺氣下降不及也。若投參朮溫補。必致肺氣壅塞。若進葶藶瀉下。恐致正氣傷亡。皆非所宜也。當與豆卷。防風。蘇葉。前胡。表散其風寒。雲苓。橘紅。枳殼。桔梗。宣化其痰濕。佐以旋覆。代

緒降其肺氣。甘草、大棗緩其急迫。煎服之後。果獲奇效。始則腸鳴漉漉。繼則後氣頻頻。夜間氣喘大減。已可平臥。次日復診。仍以前方加減。服兩劑而病如失。孫君伉儷感激頗深。乃詣師寓稱謝不絕云。

孕婦腸鳴治驗

紹興佃戶魯根生之妻。年二十歲。懷麟八月。腹中響鳴。認爲兒啼。前醫用傳青主扶氣止啼湯。反增胸悶脘痞。噯氣嘔噦。適王師因事返紹。偶遇根生。述妻病狀。問可醫否。師曰。此非兒啼。乃腸鳴之重症也。夫兒在母腹。以母之飲食爲飲食。以母之呼吸爲呼吸。既不能自行呼吸。又汙于羊水之中。安能啼哭乎。古人謂爲腹中兒啼。或稱子啼。皆謬也。乃與仲景治腹中雷鳴之生薑瀉心湯。一劑卽愈。鄉間知者。莫不詫爲神醫云。

妊娠赤痢治驗

王天井巷鄒渭泉令媳。懷麟六月。忽患赤痢。日夜四五十行。腹痛腸鳴。裏急後重。胸膈煩悶。小溲窒塞。形寒頭痕。腰痠胎動。已易三醫。不獲向愈。咸謂胎將下墜。子母俱難保矣。幸其同居有馬姓者。勸伊請余診治。診其脈象浮滑。望其舌苔白膩。余曰。此因風寒外束。濕熱內蘊。